



Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 224 (12.285)

Баҳоси эркин нарҳда

2012 йил 12 ноябрда Ўзбекистон Республикаси Олий Мажлиси Сенати Кенгашининг мажлиси бўлиб ўтди.

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИ КЕНГАШИНИНГ МАЖЛИСИ ҲАҚИДА АХБОРОТ

Кенгаш Ўзбекистон Республикаси Олий Мажлиси Сенатининг ўнинчи ялпи мажлисини шу йил 5-6 декабрь кунлари Тошкент шаҳрида ўтказиш тўғрисида қарор қабул қилди.

Сенатнинг ялпи мажлиси муҳокамасига аҳоли турмуш даражасини янада оширишни ва уни ижтимоий муҳофаза қилишни кучайтиришни, иқтисодий юқори ва барқарор суръатлар билан ривожланишни таъминлашни назарда тутадиган Ўзбекистон Республикасининг 2013 йилги Давлат бюджетини, шунингдек, 2013 йилда иш ўринлари ташкил этиш ва аҳоли бандлигини таъминлаш дастурини киритиш режалаштирилмоқда.

Сенатнинг ялпи мажлиси кун тартибига сиёсий ва ижтимоий-иқтисодий ҳаётнинг ҳамма соҳаларини изчил ислоҳ қилишга ҳамда либераллаштиришга қаратилган бир қатор қонунлар киритилади. Булар жумласига «Тадбиркорлик фаолияти соҳасидаги рўсат бериш тартиб-таомиллари тўғрисида»ги қонун, янги таҳрирдаги «Норматив-ҳуқуқий ҳужжатлар тўғрисида»ги қонун, «Хусусий банк ва молия институтлари ҳамда улар фаолиятининг кафолатлари тўғрисида»ги, «Тезкор-қидирув фаолияти тўғрисида»ги, «Сайлов ҳуқуқи эркинлигини таъминлаш ва сайлов тўғрисидаги қонун ҳужжатлари янада ривожлантирилиши муносабати билан «Ўзбекистон Республикаси Олий Мажлиси сайлов тўғрисида»ги ҳамда «Халқ депутатлари вилоят, туман ва шаҳар Кенгашларига сайлов тўғрисида»ги Ўзбекистон Республикаси қонунлари ўзгартиш ва қўшимчалар киритиш ҳақида»ги қонунлар ҳамда Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясига мувофиқ ишлаб чиқилган, тадбиркорлик фаолиятини бундан буён ҳам қўллаб-қувватлашни ва ривожлантиришни, давлат ҳокимияти ва бошқаруви демократлаштиришни, суд-ҳуқуқ тизимини ислоҳ қилишни назарда тутадиган бошқа бир қатор қонунлар кирди.

Шу билан бирга навбатдаги ялпи мажлисда сенаторлар Ўзбекистон Республикаси Олий Мажлиси Сенатининг ваколатларига киритилган бошқа масалаларни ҳам кўриб чиқадилар.

Олий Мажлис Сенати кўмиталари ва Девонининг ўнинчи ялпи мажлисни тайёрлаш ва ўтказиш бора-сидаги ишнинг мувофиқлаштириш учун Кенгаш томонидан махсус ишчи гуруҳ тузилди.

Ўзбекистон Республикаси Олий Мажлиси Сенатининг матбуот хизмати

Президентимиз Ислам Каримов ташаббуси билан 2006 йил 12 сентябрда қабул қилинган «Ўзбекистон Республикаси Тиббиёт ходимлари кунини белгилаш тўғрисида»ги қонунга мувофиқ ҳар йили ноябрь ойининг иккинчи якшанбаси мамлакатимизда шифокорлар байрами сифатида кенг нишонланади.

Тошкент врачлар малакасини ошириш институтида ушбу санага бағишланган байрам тадбири бўлиб ўтди.

Ўзбекистон соғлиқни сақлаш вазири А.Алимов ва бошқалар тиббиёт соҳасида амалга оширилаётган ислохотлар инсон ҳаёти, саломатлиги ва манфаатларини муҳофаза қилишда муҳим омили бўлаётганини таъкидлади. Давлатимиз раҳбарининг 1998 йил 10 ноябрда қабул қилинган «Ўзбекистон Республикаси соғлиқни сақлаш тизимини ислоҳ қилиш Давлат дастури тўғрисида»ги Фармонида мувофиқ тизимни такомиллаштириш, соҳада янги на услубларни, илгор тажриба ва замонавий технологияларни жорий этиш борасида кенг қамровли ишлар амалга оширилмоқда.

«Соғлом она – соғлом бола» миллий моделини амалга ошириш жараёнида замонавий скрининг ва перинатал марказлар тармоғи ташкил этилди. Натижада, мамлакатимизда оналар ва болалар ўлими



ПОЙТАХТНИНГ БИР КУНИ

ЮКСАК ЭЪТИБОР ВА ҒАМХЎРЛИК ИФОДАСИ

Хоразмлик дехқон ва фермерлар Самарқанд ва Тошкент шаҳрида сафарда бўлдилар.

Истиқлолнинг ҳар бир йили улғун бунёдкорлик ишлари, ҳар томонлама юксалиш даври бўлиб, мустақил Ватанимиз тарихига зарҳал ҳарфлар билан битилмоқда. Президентимиз Ислам Каримов раҳнамолигида амалга оширилаётган изчил ислохотлар мамлакатимиз ижтимоий-иқтисодий ҳаётининг барча соҳаларида ўзининг юксак самараларини бераётди.

Бутун мамлакатимизда бўлгани каби, Хоразм вилоятида ҳам барқарор ўсиш суръатлари таъминлашиб, катта ютуқ ва марралар қўлга киритилмоқда.

Юртимиздаги барча ўзгаришлар марказида инсон ва унинг манфаатлари тургани, ислохотлар ислохот учун эмас, аввало, инсон учун деган тамойил асосий мақсадга айлангани ўз самарасини бераётди.

Хоразм воҳаси ўз ишининг чинакам устаси ва фидойиси бўлган миришқор дехқонлари билан ном қозонган.

Вилоят ер шароитининг огирлиги, тупроқнинг шўрланиши қандай машаққатли меҳнатни талаб қилишини воҳадаги ерларнинг 54 фоизи кучсиз, 33 фоизи ўртача, 13 фоизи эса кучли шўрлангани ҳам кўрсатиб турибди. Бундай му-

раккаб шароитда дехқончилик қилиш, юқори ҳосил олиш осон иш эмас.

Табиатнинг шундай синовлари ва инжиқликларига қарамай, ер билан тиллашиб ўз касбини, ўз ерини ардоқлаб меҳнат қилган, вилоятни ижтимоий-иқтисодий ривожлантиришда фаол иштирок этган бир гуруҳ миришқор дехқон ва фермерларнинг меҳнатини муносиб рағбатлантириш мақсадида Самарқанд ва Тошкент шаҳарларига саёҳат ташкил қилинди.

Урганч темир йўл вокзалининг янги биноси ишга тушган кунларда биринчи йўловчилардан бўлган фермер ва дехқонларнинг кўнгли фахр ва ифтихор туйғуларига тўлди.

– Хурсандчилигимиз бугун икки хисса ошди, – дейди Янгибозор туманидаги «Тўлқин» фермер хўжалиги раҳбари Тозагул Ёқубова. – Давлатимиз раҳбари томонидан биз, фермерларга улкан эътибор ва ғамхўрлик кўрсатилиб, Самарқанд ва Тошкент шаҳарларига саёҳатимиз ташкил этилаётганидан бир хурсанд бўлсак, Урганч темир йўл вокзалининг янги қиёфасини кўриб янада шод бўлдик.

Президентимиз ташаббуси билан хоразмлик фидойи юртдошларимиз қадимий ва ҳамиша навқирон Самарқандни зиёрат қилиш, кейинги йилларда бу азим кенда амалга оширилган улкан бунёдкорлик ишлари билан яқиндан танишиш мақсадида бу қадимий шаҳарга ташриф буюрдилар.

Меҳмонлар Самарқанд темир йўл вокзалда тантанали кутиб олинди. – Шаҳар остоналаридан бири саналган ушбу масканнинг бугунги қиёфаси, бу ердаги имкониятлар Шарқ гавҳари бўлган Самарқандга ҳар томонлама мос бўлибди, – дейди хоразмлик фахрий дехқон Кенжабой Ортиқов. – Буюк Ипак йўлининг чорраҳасида жойлашган бу шаҳар аздалан ер юзининг сайқали деб эътироф этилади ва уни бир бор кўриш кўнчилиқ учун орзудир.

Самарқанд шаҳридаги Университет хиббони, Регистон, Бўстонсарой, Тошкент, Мирзо Улуғбек, Беруний, Спитамен, Даҳбед кўчалари капитал реконструкция қилинди. Йўллар кенгайтирилиб, унинг атрофидаги аҳоли турар жойлари ва маъмурий бинолар, савдо ва маиший хизмат кўрсатиш шохобчалари замонавий лойиҳалар асосида бунёд этилди. Тарихий обидалар ва муқаддас қадимжолар обод қилинди, қўллаб-қувватлаш янги меҳмонхоналар, хунармандлар маркази, музей ва бошқа сервис шохобчалари очилди.

(Давоми 2-бетда)

аниқликда ташхис қўйиш ва муваффақиятли даволашга эришилмоқда.

Жорий йилда яна йигирмадан зиёд ана шундай замонавий тиббий-профилактика муассасалари барпо этилмоқда. Улардан бири – Наманган вилояти Янгиқўрғон туманидаги «Исковот» қишлоқ врачлик пункти мустақиллигимизнинг 21 йиллиги арафасида фойдаланишга топширилди.

Бу муассаса ўн мингга яқин аҳолига хизмат кўрсатмоқда. Икки нафар умумий амалиёт шифокори ва ўн тўққиз нафар ҳамшира қишлоқ аҳолисининг саломатлигини асраш йўлида фидокорона хизмат қилмоқда. Таълим масканларида соғлом турмуш тарзини шакллантириш, эрта ва қариндошлар ўртасидаги никоҳларнинг олдини олиш бўйича тарғибот тадбирлари ўтказилади. ҚВҒда аҳоли, хусусан, репродуктив ёшдаги аёллар, болалар ва ўсмирлар тиббий кўригини юқори савияда ташкил этишда ЭКГ, доплер каби замонавий лаборатория таҳлил аппаратларидан самарали фойдаланилмоқда.

Мазкур бирламчи шифо маскани Соғлиқни сақлаш вазирлиги томонидан аънанавий тарзда ўтказилаётган «Энг намунали қишлоқ врачлик пункти – 2012» танловида биринчи ўринни эгаллади ва «Дамас» автомашинаси билан тақдирланди.

(Давоми 3-бетда)



МАМЛАКАТИМИЗДА

• Ўртачирчиқ туманида «Энг намунали фуқароларнинг ўзини ўзи бошқариш органлари» республика кўриктанловининг Тошкент вилояти босқичи бўлиб ўтди. «Мустаҳкам оила йили» Давлат дастури доирасида «Маҳалла» хайрия жамоат фонди вилоят бўлими томонидан ташкил этилган танловда давлат ва жамоат ташкилотлари вакиллари, маҳалла фаоллари иштирок этди.

• «Истиқлол» санъат саройида «Марди майдон» жонли ижродаги кўшиқлар фестивали совриндорлари ва таниқли санъаткорлар иштирокида «Сени шарафлаймиз, Ўзбекистоним!» номли концерт бўлиб ўтди.

• Фарғона шаҳрида «Кимёгар» ёшлар маданий маркази бунёд этилди. «Фарғона Азот» акциядорлик жамияти ташаббуси билан қад ростилаган мазкур мажмуада ёшларнинг касб-хунар ўрганишлари ҳамда спорт билан мунтазам шуғулланишлари учун барча имкониятлар яратилган.

• Улуғнор туманида 150 ўқувчи ўрнинг мўлжалланган мусиқа ва санъат мактаби биноси қурилиб, фойдаланишга топширилди. Бу ерда «Анд техназ» масъулияти чекланган жамияти бунёдкорлари томонидан 2 миллиард 125 миллион сўмликдан ортиқ қурилиш ишлари амалга оширилди.

ЖАҲОНДА

• Германиялик машҳур физик Альберт Эйнштейннинг диний мавзуга оид хати АҚШнинг «eBay» қимочиёт савдосида 3,1 миллион АҚШ долларига сотилди. Харидорнинг шахси сир тутилмоқда. «eBay» вакиларининг айтишича, 1954 йил 3 январда ёзилган мазкур мактуб АҚШнинг Принстон университетида ишлаган немис файласуфи Эрик Гуткиндага жўнатилган. Эйнштейннинг ўлимидан бир йил аввал ёзилган, ўтган асрнинг энг шов-шувли ҳужжати бўлмиш ушбу хат олимнинг шахсий коллекциясида эллик йил сақланган.

• Янги Зеландиялик олимларнинг сўзларига кўра, асал, гул чанги, асалари захри ёрдамида қон томирларининг кенгайиши, псориаз, артроз ва остеохондроз каби турли хил касалликларни даволаш мумкин экан. Уларнинг айтишича, асал таркибидаги организм учун жуда зарур бўлган темир, йод, цинк, кобальт, марганец, фтор каби ўттизга яқин микроэлементлар уйқусизлик, ошқозон-ичак хасталиклари ва шамоллашни ҳам табиий йўл билан даволаш, жигарни тозалаш имконини беради. Маълумотларга қараганда, микроэлементлар таркибига кўра асалнинг ўттиз фоизли эритмаси инсон қонидан тайёрланган плазма ўрнини ҳам боса олади. Боиси қон билан асалнинг қимёвий таркиби деярли бир хил. Шунинг учун ҳам асал парhez таом ва шифобахшлик бора-сида тенгсиз ҳисобланади.

• Греция бюджетини барқарорлаштириш учун яна 32,6 миллиард евролик маблағ талаб этилади. Ушбу мамлакатга ёрдам кўрсатиш тўғрисидаги масала Еврогурўхнинг 12 ноябрда белгиланган учрашувда кўриб чиқилади.

• Японияда Omote 3D фотостудияси очилмоқда. Қизиги шундаки, бу ерда аънанавий суратлар ўрнига 3D сканери ва 3D принтер ёрдамида ўз мижозларининг уч ўлчамли моделлари тайёрлаб берилади. Хизматлар нархи эса 400 АҚШ долларигача боради.

ҚИСҚА САТРАЛДАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **КЕЧА** Ўзбекистон тарихи Давлат музейида Ўзбекистон ва Корея Республикалари ўртасида

дипломатик алоқалар ўрнатилганлигининг 20 йиллиги муносабати билан «Ўзбекистон – кўпмиллатли аҳил оила» мавзuida маданий-маърифий тадбир бўлиб ўтди.

✓ **КЕЧА** Олмазор туманидаги Чустий маҳалласида Ўзбекистон Республикаси Конституциясининг 20 йиллиги муносабати билан «Мустақиллик — буюк неъмат» мавзусида тадбир ўтказилди.

✓ **ЭРТАГА** «Шодлик палас» меҳмонхонасида «Оила институтини мустаҳкамлашнинг долзарб масалаларини ёритишда ОАВнинг роли» мавзuida семинар-тренинг ташкил этилади.

